



Broj :

**IZVJEŠTAJ O REVIZIJI
USTAVNOG SUDA BOSNE I HERCEGOVINE
ZA 2007. GODINU**

Sarajevo, maj 2008. godine



SADRŽAJ

I	MIŠLJENJE REVIZORA	3
II	NALAZI I PREPORUKE	4
1.	Realizacija ranijih preporuka	4
2.	Sistem internih kontrola	4
3.	Usklađenost sa zakonima i propisima	4
III	KORESPONDENCIJA	5

Prilog : Tabela 1 'Izvršenje budžeta za 2007. godinu'

I MIŠLJENJE REVIZORA

Osnova za reviziju

Na osnovu Zakona o reviziji institucija Bosne i Hercegovine («Službeni glasnik BiH», broj: 12/06) izvršili smo reviziju finansijskih izvještaja u **Ustavnom sudu Bosne i Hercegovine** (u daljem tekstu: Ustavni sud), koji se odnose na godinu koja se završava 31.12.2007. (Bilansa stanja, Posebnih pregleda uz Bilans stanja i Analize izvršenja budžeta).

Odgovornost menadžmenta/revizora

Rukovodstvo Ustavnog suda odgovorno je za pripremu finansijskih izvještaja, zakonitost izvršenih transakcija i namjensko korištenje sredstava. Rukovodstvo je također odgovorno za uvođenje sistema internih kontrola kojima se osigurava pouzdano upravljanje javnim sredstvima. Naša odgovornost, kao vanjskog revizora, propisana je Zakonom o reviziji, standardima revizije i Etičkim kodeksom za revizore javnog sektora.

Shodno tome, naša odgovornost je izražavanje mišljenja o tome da li su finansijski izvještaji pouzdani i da li bilansi u potpunosti odražavaju rezultate izvršenja budžeta. Također, naša odgovornost je da procijenimo da li rukovodioci institucije primjenjuju zakone i propise, koriste sredstva za odgovarajuće namjene i da ocijenimo finansijsko upravljanje, funkciju interne revizije i sisteme internih kontrola.

Cilj i djelokrug revizije

Reviziju smo obavili u skladu sa Revizionim standardima Međunarodne organizacije vrhovnih revizionih institucija – ISSAI i Međunarodnim standardima revizije. Revizija uključuje ispitivanje, na bazi izvršenih testiranja, dokaza koji su relevantni za iskazane iznose i objavljivanja u finansijskim izvještajima, te regularnost finansijskih transakcija koje su uključene u finansijske izvještaje.

Revizija je planirana i izvršena tako da se dobiju informacije i objašnjenja koja smatramo neophodnim za osiguravanje dovoljnih dokaza koji pružaju razumno uvjerenje da finansijski izvještaji ne sadrže materijalno značajne pogrešne iskaze uzrokovane greškama, prijevarom ili drugim neregularnim radnjama i da su sredstva utrošena u skladu sa odobrenim budžetom i drugim propisima. Smatramo da revizija koju smo izvršili pruža razumnu osnovu za naše mišljenje.

1. Ustavni sud je koristio usluge kolektivnog životnog osiguranja zaposlenih na osnovu ugovora koji je zaključen sa 'Bosna sunce' osiguranjem. (vidjeti tačku 3. Izvještaja).

Po našem mišljenju:

Finansijski izvještaji Ustavnog suda za 2007. godinu prikazuju realno i istinito finansijsko stanje na dan 31. decembar 2007. godine i u skladu su sa Pravilnikom o finansijskom izvještavanju i Pravilnikom o računovodstvu institucija Bosne i Hercegovine.

U svim materijalno značajnim aspektima rashodi Ustavnog suda su upotrijebljeni za svrhe koje je odredio Parlament BiH i u skladu su sa relevantnim propisima, osim za moguće efekte iskazane u tački 1. gore navedenoj.

Sarajevo, maj 2008. godine

II NALAZI I PREPORUKE

1. Realizacija ranijih preporuka

Ustavni sud je u propisanom roku od 60 dana, u skladu sa odredbama člana 16.stav 3. Zakona o reviziji institucija Bosne i Hercegovine, dostavio odgovor o poduzetim aktivnostima radi prevazilaženja slabosti i nepravilnosti koje su identificirane u Izvještaju o reviziji za 2006. godinu.

Osvrtom na preporuke revizije u navedenom Izvještaju i datim preporukama u prethodnoj reviziji, kao i uvidom u realizovane aktivnosti koje su navedene u odgovoru o poduzetim aktivnostima radi prevazilaženja nepravilnosti koje su identificirane u revizionom Izvještaju za 2006. godinu, utvrdili smo je da je Ustavni sud djelimično otklonio te slabosti i nepravilnosti kako slijedi:

Aktivnosti koje su u toku:

- Unapređenje sistema internih kontrola koji se ogleda u aktivnostima na doradi Pravilnika o sistemu internih kontrola zasnovanog na Vodiču za efikasnu internu kontrolu i COSO modelu internih kontrola.

2. Sistem internih kontrola²

Revizija je izvršila ispitivanje sistema internih kontrola, administrativnih i računovodstvenih procedura i kvaliteta finansijskog upravljanja u Ustavnom sudu. Cilj ovih ispitivanja je bio da se uvjerimo u kojoj mjeri su operativni ciljevi ostvareni i koliko su pouzdani podaci na kojima se baziraju godišnji finansijski izvještaji te da li je finansijsko upravljanje u skladu sa propisima.

Iako je Ustavni sud usvojio Pravilnik o sistemu internih kontrola ustanovili smo određene slabosti sistema internih kontrola u dijelu planiranja i izvršenja budžeta. Analizom budžeta smo se uvjerali da pojedine budžetske pozicije imaju nizak procenat realizacije u odnosu na traženi, odobreni i korigovani budžet te da je ostalo rezervisanih, a neutrošenih 213.195 KM budžetskih sredstava (vidjeti tabelu 1. u prilogu Izvještaja).

3. Usklađenost sa zakonima i propisima

Osiguranje zaposlenih: Ustavni sud je koristio usluge kolektivnog životnog osiguranja zaposlenih na osnovu ugovora koji je zaključen sa 'Bosna sunce' osiguranjem u ukupnom iznosu od 6.741,00 KM.

Ustavni sud je ispoštovao preporuke Ureda za reviziju, date u prethodnoj reviziji, i prestao s plaćanjem kolektivnog životnog osiguranja u 2008. godini za svoje zaposlene.

Saglasno članu 13. stav 2. Zakona o reviziji institucija Bosne i Hercegovine revizija ocjenjuje finansijsko upravljanje, funkciju interne revizije i sistem internih kontrola o čemu ne izražava mišljenje već izvještava o uočenim slabostima.



III KORESPONDENCIJA

Ustavnom sudu je uručen Nacrt izvještaja o reviziji za 2007. godinu na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Ustavni sud nije dostavio komentare na nalaze sadržane u Nacrtu izvještaja o reviziji. Po toj osnovi ovaj Izvještaj predstavlja konačan izvještaj dostavljen klijentu bez korekcija u odnosu na Nacrt izvještaja o reviziji.

Sarajevo, maj 2008. godine

**ZAMJENIK GENERALNOG
REVIZORA**

mr. Dragan Kulina

M.P.

GENERALNI REVIZOR

Milenko Šego